



UNIVERSITÄTS-
BIBLIOTHEK
PADERBORN

Universitätsbibliothek Paderborn

Codex traditionvm Corbeiensivm

Falcke, Johann Friedrich

Lipsiae ; Gvelpherbyti, 1752

§. 384. 385. De bonis traditis in villis Haberteshus, Aldantorpe et Nianthorpe in pagis Hlisgo, Auga seu Althenberga marca, et pago Hardego, nec non de terminis diœcesis Halberstadensis.

urn:nbn:de:hbz:466:1-36114

Ab anno
916 vsque
922 re-
gnante
Chuon-
rado et

§. 384.

Tradidit bucco pro filio suo oddo LVIII iugera et I iurnalem in
haberteshuf (k).

§. 385.

Tradidit asic pro filio suo marcuuard I familiam in *aldantorpe* (l).

tra-

908, sat docet esse maris nomen. Fortassis episcopus *Biso* cum nostro *Bifone* ex vno germine procreatus, eiusque patruus erat.

De villa
Haberteshuf in
pago
Hlisgo.

- (k) *Haberteshuf* villa a Sarachone abbate collocatur in pago *Hlisgo*. Ergo putamus, fuisse vicum *Harjebusen* in praefectura *Westerhof* in principatu *Göttingensi*. Hoc ita posito, merito quaerimus, quis *Bucco* eiusque filius *Oddo* fuerint, et ad quamnam familiam pertinuerint. Credibile est, illos spectasse ad progenitores vel *Northeimensium* vel *Scartfeldensium* comitum, quanquam diffiteri nequeamus, posteriorem sententiam nobis videri probabiliorem. Cum enim *Bucco* diminutivum sit nominis *Burchardi*, verisimiliter *Bucco* noster nullus est alius, nisi comes *Burchardus*, cuius comitatus erat anno 965 in pago *Lisgo*, teste diplomate imperatoris *Otonis I.* Cumque nomina *Burchardi* in familia *Scartfeldensium* comitum crebro reperantur, haec coniectura nostra aliquo fundamento nititur. Conf. infra §. 437.

De villa
Aldantorpe in
pago
Auga.

- (l) *Aldantorpe* villam fuisse in pago *Auga* atque in *Althemberga* marca, docet nos abbas noster *Saracho* in suo *Registro*. Haec *marca Althemberga* cum sit memoratu dignissima, continere nos non possumus, quin inquiramus in firum eiusdem quam studiosissime. Ad pagum *Auga*, in quo et erat *Corbeia* nostra, spectasse hunc marcum, id satis est clarum. E verbis enim *Sarachonis* id patet luculente. In quamnam autem regione, et quonam in tractu pagi *Auga*, quaeris, existit *marcus Althemberga*? Respondemus, duas fuisse in pago *Auga* villas, vno nomine *Aldantorpe* insignitas, quarum altera erit *Oledorp* prope oppidum *Holzminden*, altera autem nostra. Cum autem circa *Holzminden* urbem nullae reliquiae alicuius *marcae* supersint, statuimus, *marcam Althembergam* quaerendam esse in terminis *Paderbornensis* principatus haud procul a vico *Bökendorp* in eodem principatu. Villam *Bodunthorpe* seu *Bökendorp* ad pagum spectasse *Nitbega*, iam vidimus supra §. 324. Ab hac villa vix iter dimidiae horae abest vicus *Beller* seu *Bellurbeki*, quam ad pagum *Huuetigo* pertinuisse, iam quoque supra didicimus. Versus septentrionem vix iter dimidiae horae a vico *Bökendorp* reperitur vicus quidam, quem dicunt *Olenberge*; quem vicum *marca Althemberga* reliquias esse, putamus. Haec autem regio eximie quadrat *marcae* seu limiti alicuius provinciae. Terminus enim ibi erat pagorum *Nitbega*, *Huuetigo* atque *Auga*. Optimo ergo iure eadem regionis pars *marcus* seu *limes* appellata est. Villa *Aldantorpe*, quae olim in *marca Althemberga* existit, hodie desolata est. Fuit autem ipsa conspicua inter *Bökendorp*, *Apenborg*, atque *Olenberge*, quippe in qua regione adhuc inveniuntur molendinum dictum *die Olenendorper Mühle*, quae procul dubio nomen retinuit a villa nostra, olim in eadem regione reperta. Haec autem villa *Aldantorpe* eadem est, ac illa, quam supra deprehendimus §. 324 in litteris adductis ad annum 1351 et 1444, quamque vnam eandemque fuisse putamus cum villa *Oldendorp*, in qua anno 1078 *Wernerus Corbeiensis abbas* vnum mansum tradidit ecclesiae *S. Michaelis archangeli*, quae reperitur in monte sancto, vulgo *der Heiligen berch* dicto, cuius fundo saepius vestigia impressimus. En ergo ipsas litteras, ex autographo accurate descriptas:

Q Ego *Vuernerus* peccator abbas monasterii *btorum* martyrum *stephani* atq. *viti* tam pro meorum criminum remissione quam pro congregationis et familie mihi credite felicitate petitione filii mei *humberti* monachi pia deuotione assensum *sbui* et basilicam in monte quodam et regione *nre ciuitatis* in laudem *di* et uenerationem *fci michaelis archan-*

tradiderunt duo fratres thiadricus pro coniuge sua mansum unum et ailbern gubernante Corbeiam Folcmaro I. pro hildago in niantborpe (m) XXIII iugera et duos iurnales.

§. 386.

changelii construxi quam venerabilis ecclesie *paderbornensis* episcopi populo dedicavit et sub invocatione diuine maiestatis auctoritate beati petri apostolorum principis res eidem basilice in usum predicti *humberti* presbyteri et monachi et *simonis* conuersi a seculo forte. cui ego pie conuersationis habitum tradidi. aliorumque pauperum ibi seruiturorum tradita. siue tradenda perpetua stabilitate confirmauit. Tradidi autem eidem ecclesie cum consensu et consilio congregationis et familie mihi credite de silua in qua sita est ad nonaginta iugera et uillulam *ualabusen* a quodam qui eam in uadimonio tenebat elemosynis fidelium redemptam et unum mansum in *aueredessun*. alterum in *oldendorp*. tertium in *werethan*. Petente autem me et *aduocato meo otone duce* assentiente et traditionem meam confirmante predictus popo episcopus in conspectu totius cleri et populi qui audienda per eum ad uerbi diuini mysteria in dominica aduentus domini confluerat banno suo semel et iterum et tertio hec acta scripta confirmauit et in testimonium sue auctoritatis hanc copiam signi sui et scripti impressione signari mandauit.

Actum anno dominice incarnationis M.LXXVIII. indict. II.

Villam *Valabusen*, quae in hoc diplomate memoratur, supra in his traditionibus saepe deprehendimus. Dudum ea desolata est. *Aueredessun* uideretur esse *Everfen* vicus, olim ad castrum *Stoppelberg* spectans. *Wereiban* hodie dicitur *Werden*, iacetque ad *Wiseram* in diocesi Corbeiensis; olim uero relatum est ad pagum *Nithega*. *Otto* dux, qui aduocatus appellatur Corbeiensis, sine dubio erat *Otto* dux *Bauariae* et comes de *Northheim*. Sigilla, quod dolemus, sunt per uetustatem detrita; dedicationem autem illius basilicae episcopus *Paderbornensis* *Popo* peregrinatus non ut diocesanus, sed ut quilibet amicus vel vicinus. In Synodo enim *Moguntina*, quam et papa *Johannes XV* anno 989 confirmauit, id, quod anno 888 erat sancitum, seu potius auctoritatibus et decretis summorum pontificum subscribendo confirmatum, ut nullus episcopus *Padabrunnensis* vel in his, quae regimini locum tenent, vel in ipso canobio *Corbeiensis* potestatem obtineat neque ipsorum dominatione potiatur uilla, neque in clericis neque in famulis, et in omnibus, quaecumque ad monasterium uidentur habere possessionis respectum, ordinationes uero, quae necessariae fuerint, ipsi monasterio agere non differat, altaris quoque et basilicarum benedictiones siue consecrationes, prout necessitas postulauerit, vel in ipso monasterio, vel in agris eorum libenter concedat, chrisma quoque oleumque consecratum per singulos annos praebere non differat, et pro his omnibus nullum munus exigat, ne spiritus sancti gratiam vendere conatus *Simonis*, quod absit, damnationem incurrat, sicut et apostolica et imperialia praecipua partim simul partim sigillatim eis confirmauerunt. Quod si autem situm uillae *Aldantorpe* nobis ante oculos ponimus, intellectu redditur facile, *Asconem*, qui eadem bona hereditaria possedit, ad stirpem *Brunonianam* spectasse, et filium *Luidolfi ducis* nominandum esse. Ipse *Luidolfus* dux in uilla *Bennenhusen*, quae a uilla *Aldantorpe* non procul absuit, bona tenuit hereditaria §. 224. *Luidolfus*, ducis *Luidolfi* filius, §. 324 in uico *Bokendorp* habuit bona priua. *Asic* nominatur frater *Luidolfi* §. 350. Sine dubio itaque *Asic* filius *Luidolfi* ducis fuit. De argumento hoc iam supra egimus pluribus, quae hic nolimus repetere.

- (m) *Niantborpe* uilla erat sita in pago *Hardego*, testante Registro *Sarachonis* abbatis. De uilla Pagus *Hardego*, uti et pagi *Derlingo*, *Northuringi*, *Belkisheim*, *Sueuon* atque *Halsthorpe*, referebantur ad diocesin *Halberstadensem*. Ergo uilla *Niantborpe* in aliqua dioceseos *Halberstaden* parte quaerenda est. Inuenimus in *Halberstaden* si episcopatu utique uillam *Niendorp* iuxta *Amerstede*, cuius anno 1187 meminit *Theodoricus Halberstaden* episcopus in diplomate sequenti, quod eam quoque ob causam in lucem protrudimus, quia ex eo annus ordinationis *Theodoric* erui potest. Accipe ergo illud e *MSCpto* :

Ecc e 3

In

Ab anno
916 vsque
922. re-
gnante
Chuon-
rado et

In nomine sc̄e et indiuidue trinitatis Theodoricus dei gr̄a Halberstadenſis ep̄us diuine pietatis inſtruitur exemplo caritate ſectari & ad eam uerbo & exemplo alioſ informare. Cum igitur multipliciter ad opera caritatis tendere ualeamus ſcipue tamen nobis uidetur idoneū nouelliſ ec̄cliaſ aliquo tubuenire adminiculo. intuitu ergo illi⁹ qui uera caritas eſt ad honorē dī matricis, ſue perpetue uirginis marię omniumq. ſc̄d̄um conſeſſim⁹ ec̄clie que eſt *Niendorp* decima agrorum qui iuxta eandē uilla de paſcuſ pecorum aſſumpti ſunt ad procreationē frugum ſimiliter ſi quid de cetero de p̄dic̄tis locis paſturalib⁹ redigatur ad agriculturam decimam eidem contulim⁹ ec̄clie ſtatuentes ut die dominica & quarta & ſexta feria & in feſtiuiſ dieb⁹ in eodem loco diuina celebrentur & ſiant uiſitationeſ infirmorum & ſepultura cum baptiſmate in uigilia paſche & pentecoſtes gratia baptiſmi & in ſummis feſtiuitatib⁹ gr̄a ſolempnioriſ officii ad matricem ec̄cliam *Amerſtede* redeant ut ex hoc matri ſilia debitam recognoſcat ſubiectionem. Huiuſ rei teſteſ ſunt Conraduſ p̄p̄t⁹ ſc̄e marię uirginis. Johannes & Bartholduſ canonici ei⁹ loci. *Geueharduſ* canonic⁹ ſc̄i Pauli. *Werneruſ* ſacerdoſ & capellan⁹. *Fridericuſ* ſacerdoſ de *Amerſleue*. Miniſterialeſ uero *Bartholduſ de Horetorp*. *Heinricuſ de Bikethorp*. & alii quam plureſ, fa-

ctum eſt hoc anno dñice incarnationiſ M. C. LXXX. VII. indiēt. V. p̄ſid. ſc̄e Romanę ec̄clie Urbano Papa hui⁹ nominis tertio regnante Friderico Romanorum imperatore anno ordinationiſ n̄re tertio. ne igitur quiſq. temeraria p̄ſumptione ec̄cliam p̄dic̄tam ſuper hiſ audeat infeſtare in uirtute ſpirituſ ſc̄i banno n̄ro corroborauim⁹ & hanc paginā teſtimonialem ſigilli n̄ri impreſſione ſignauim⁹.

Si *Amerſtede* eſſet Emmerſted haud procul ab oppido Helmſted, uilla *Niendorp* in eadem regione eſſet quærenda. Cum autem ciſ et trans Helmſtadium fuerint pagi Derlingo et Northuringi, uilla *Niendorp*, in allato diplomate obuia, eſſe non poſſet uilla noſtra *Nianthorpe*. Deinde ad eandem Halberſtadenſem diaceſin olim ſpectabant duę uillę, *Niendorp* nominatę, quarum altera adhuc ſuper eſt haud procul ab urbe Wolfenbutel, ac *Neindorp* appellatur; altera uero deſolata eſt, et quondam exſtitit non procul ab oppido Scheppenſted in loco adhuc appellato *dar Neindorfferfeld*. Hanc indicant litterę ſequentes. En eaſ.

Wy Berend van Goddes Gnaden Hertoghe to Brunſw. unde to Lunenborch bekennen openbare in deſſen breue vor uns unde unſe eruen dat wy Baſtliſſe van Weueringhe Baſtliuſ Sone unſen leuen getruwen hebben belent unde belenen in macht deſſes breues mit achte lodighen marck gheldes iarliker gulde to einem manlicken erue lene de de Rad unde Inwoner unſes wykbeldes to *Scheppenſtede* om unde zynen mannes eruen van ſynen lyue gheboren alle Jare uppe ſunte Michaelis unde uppe ſunte Martens daghen to den twen tyden gheuen unde betalen ſchullen dar vore alſe Baſtliuſ vorgenant mit unſem willen unde vulborde dem vorgenanten Wykbelde to *Scheppenſtede* dat Dorp *Neyndorpe* in ore nut unde were ghelaten heſt alſo dat Baſtliuſ unde zine eldern van unſer herſchop to lene ghehad hadden alſe de bref den wy dem rade unde wykbelde to *Scheppenſtede* uppe de verlatinge unde den kop des vorſcreuenen dorpes *neyndorpe* ghegeuen hebben eigentliken inneholt unde uthwyſet. unde wy unde uſe Eruen ſchullen unde willen Baſtliuſſe vorg. to manlicken erue lene van zynem liwe gheboren der vorſcreuen acht mark iarliker gulde by den van *Scheppenſtede* ore bekennighe here unde were wesen wur on behof is unde ze dat van unſ edder unſen eruen eſſchen eder eſſchen laten. Vortmer ſo hebbe wy umme bede willen *Baſtliuſ* vorg. *Agneſen* ſyne eliken huffrowen mit deſſen vorſcreuenen acht mark gheldes iarliker gulde by den erg. van *Scheppenſtede* beſiſtuchtiget unde beſiſtuchtighen ſe darmede in macht deſſes breues alſe lyſſgedinge recht is unde wy unde unſe eruen

eruen willen unde schullen or des ore here unde bekennighe were wesen wur unde wanne or de not is unde se dat van uns esschet edder esschen let unde se darto truwelken verdedingen alse wontlich unde recht is. Desler vorfcreuen stucke to openbarer bewyfsinge unde orkunt so hebbe wy hertoghe *Berend* vorenant *Basiliesse* unde *Agnesen* sine eliken huffrowen on beyden deslen bref gegheuen befehelt mit unsem anhangenden inghesegele vor uns unde unse eruen unde is gefcheen na goddes bort verteyn hundred iar darna in dem vestteynden Jare des andern fondoghes neift na Paschen.

gubernante Corbeiam Folcmaro I.

Sed cum eadem hæc villa *Niendorp* ad pagum referretur *Derlingo*, vti supra §. 42 vidimus, hæc esse non poterit villa nostra *Niantborpe*. Porro reperitur quidam vicus *Niendorp* haud procul ab oppido *Obsfeld* situs ad siluam latissimam *Thrimmining*, hodie dictam *der Dromling*; sed cum villa *Ocisfeld* seu *Obsfeld* ad pagum spectarit *Norththuringi*, vicus *Niendorp*, si iam ante seculum XI existisset, ad alium pagum, non ad *Norththuringi* pagum, pertinuisset. Porro meminimus, olim quoque existisse villam quandam *Niendorf*, quæ ad eandem diocesin *Halberstadensem* fuit relata. Ita enim verba habent in *Chronico Halberstadenfi* Tom II. S. R. B. *Leibnitii* p. 121, quæ, cum non parum faciant ad Geographiam antiquam *Saxonie* nostræ cognoscendam, cum notulis nostris adducemus: *Venerabilis Arnolpbus episcopus (Halberstadenfis) ab eodem Papa Benedicto (anno 1014) confirmationem et priuilegium impetrauit super terminis episcopatus Halberstadenfis; et hos pagos Hardengau, Derlingau, Nortiringen, Belckischem, Sueniam et Hasengowe, excepta tamen determinatione inter viam, quam dicunt Friderichweg, ac fluuios Albiam, Bodam et Oram, et quantum per interuentum Henrici imperatoris Merseburgensi ecclesie preconcessit, auctoritate priuilegii apostolici obtinuit confirmari. Vt autem termini Halberstadenfis diocesis deinceps maneant inconuulsi, idem episcopus expressus eos circumscribi fecit et vocari in hunc modum: Versus Verden (an episcopatus Verdenfis, vel Werben in veteri Marchia?) contra Aquilonem, vbi Prifaine (probabiliter fluuius Bise in veteri Marchia, qui miscetur flumini Aland, quod insluit Albiam. In eadem sane regione diocesis Verdenfis termini fuere, vbi etiam terminos quærun pagorum Bardengo et Belckheim) fluuius insluit Albiam, abhinc vbi Ora (Ohra, flumen olim, ad Wolmerstadium se miscens Albiæ) fluuius insluit Albia, quo in loco conueniunt episcopatus, Halberstadenfis et Magdeburgensis: abhinc ascendit contra fluuium Oram vsque Niendorf (quæ villa hodie desolata, olim autem duo milliaria ab oppido Wolmersted ad fluuium Ohram exstitit, vbi fluuius Biuera miscetur Ohræ, vix disiuncta ab oppido Neuhaldensleben iter dimidiæ horæ) et abhinc ascendit per semitam, quæ transt indaginem intra Haldesleben et Medebeke (villa desolata inter Neuhaldensleben et Hundisburg) vsque in Biueran fluuium (hodie dictum die Beuer, qui ad vicum Bregensted oritur, et dehinc alluit Emden, Aluensleben, Hundisburg et monasterium Altenhaldensleben, tandem vero ab Ohra excipitur ad locum desolatum Niendorf, hodie dictum Winholt) per ascensum Biueræ, vsque quo ei insluit Alpha fluuius, et per ascensum Alpha (rius dictus die Olve, qui a vico Drackensted descendit, atque Eickenbardeleben, Mammendorp, Schakensleben ac Rotmersleben alluit et ad Hundisburg miscetur Biueræ,) vsque ad ortum ipsius, abhinc vsque ad viam, quæ dicitur Friderichweg (forte ita appellata a Frithero, quem satorem fuisse statuimus comitum de Walbeck, de Supplinburg, de Sommerschenburg et de Anhalt) et abhinc vsque ad Wansleben in Scerram fluuium (hodie dictum die Sorre, qui ex agris Dreylebiensibus Wanslebiu perfluit, et se ad vicum Germersleben in Bodam exonerat) abhinc per descensum Scerræ vsque Bleckendorp (vicum hodie in præfectura Egeln) super Bodam (die Bode) et per descensum Bode vsque in Salam (est fluuius in Thuringia) et per ascensum Sale vsque in riuum, qui transt Bogendorp (probabiliter est Bendorf in ducatu Merseburgensi) qui riuus separat diocesin Halberstadensem et Merseburgensem: qui inde per viam, qua itur per Cricstide (Krichst in ducatu Merseburgensi) vsque Bunoue (fortassis Bodern in eodem ducatu) abhinc vsque ad transtium Sale in Curewate, et sic per ascensum Sala, vsque quo insluit Vnstrud fluuius Sala et per ascensum Vnstrud (Vnstrut fluuius in Thuringia alluens Mulhufum, Langensaltzram et Sachsenburgum et se exonerans in Salam) vsque quo consuunt Vnstrud et Helmena (fluuius Helme etiam in Thuringia in campo aureo, dicto die guldene Aue)*

Ab anno
916 vsque
922 re-
gnante
Chuon-
rado et

Aue) et per ascensum *Helmenæ* vsque ad fossatam *Walgbusen* (Walhausen oppidum vnum milliare situm ab oppido Sangerhausen, ad iura hodie spectans nobilium dominorum de Assenburg, olim palatium regium) et per ascensum fossatorum vsque ad separationem *Saxoniae* et *Thuringie* versus montana, qua dicitur *Hart* (der *Hartz*) et abhinc vsque ad ortum *Wipperæ* fluminis (Wippera oritur in montibus *Hartzicis* inter *Stolbergam* et *Hartzgerodam* e duobus fontibus: vnus appellatur *Wippera* vetus, die *alte Wipper*, alter autem *Wippera* arcta, die *schmale Wipper*, qua ebibitur a *Sala* fluuio; probe autem distinguendi a flumine *Wippra*, quod ab *Eichsfeldia* per dominium *Lohra* transit ad *Sondershusam* oppidum, et haud procul a *Sachsenburgo* influit *Vnstrotum* fluuium) ab ortu huius ad fontem, qua *Roringeborne* dicitur: abhinc vsque ad ritum *Krodenbeck* (an hic ritus nomen accepit a *Crodone* *Hartzburgico* et famoso illo *Saxonum* deastro?) abhinc vsque ad arbores, qua dicitur *Seven Eiken*: abhinc vsque ad semitam, qua dicitur *Heidenweg*, et per eandem semitam vsque ad fluuium *Calvera*, et per descensum *Calvera* vsque in fluuium *Ouecara* (die *Ocker*) et per descensum eius vsque ad pontem *Ellarshheim*; a ponte vsque ad montem *Wallenberg*: abhinc vsque per viam, qua descendit per villam *Boele* (villam desolatam olim haud procul ab oppido *Gifhorn* obuiam, de qua vide supra §. 24, vbi ad pagum *Derlingo* refertur) a *Boele* vsque in fluuium *Aleram* (die *Aller*) et per ascensum eius, vsque quo ei influit fluuius *Ysue* (hodie dictus die *Iese*, qui oritur in lacu dicto *der Stockmer-See*) per ascensum eius vsque *Stoken* (*Stockem* in ducatu *Luneburgico*, vbi dictus reperitur lacus) abhinc vsque ad lapidem, qui dicitur *Binckenstein* (hodie dictus *der Pickelstein*, a quo regio nominatur *die Pickelsteiner Heide*) et abhinc vsque ad terminos *Witingæ* (in *Luneburgica* præfectura hodie dicta *Wittingen*) villa, et abhinc vsque ad villam iuxta *Orsdorp* (*Ohrdorf* vicus, vbi fluminis *Ohra* oritur) a villa vsque in viam, qua dicitur *Heckeriker-Weg*, et per viam vsque ad ortum fluminis *Rodowe*, et per descensum eius vsque in fluuium *Iesne* (hodie dictum *Ietze* in veteri *Marchia*) et per descensum eius in fluuium *Prisatine* (die *Bife*) et per descensum eius, vsque quo ipse influit *Albia*.

Ex hac autem descriptione patet, villam desolatam *Niendorf* ad alium pagum, ac ad pagum *Norththuringi*, spectare non potuisse. Cum enim *Hahaldesleue*, *Pelnize*, *Vnesburg*, *Waharesdahl* et *Wantzléua* villa ad pagum relatæ sint *Norththuringi*, vti supra §. 20. not. (F) vidimus, procul dubio etiam villa *Niendorf* ad pagum eundem pertinuit. Superest deinde villa *Neindorp* ad fluuium *Salicam*, hodie dictum *die Seleke*, qui ibidem *Boda* miscetur. Hanc villam censemus notatu dignissimam. Ad illam enim anno 1057 *Bruno*, *Corbeienfis* aduocatus, ab *Otone*, fratre *Wilhelmi*, *Marchionis* septentrionalis, interemptus est. Veteres *Corbeienfes* nostri id annotarunt in *Chronico* suo *MSCpto* iam sæpe excitato: Cum enim *Bruno* aduocatus eiusque frater *Ekkbertus* euocati ad colloquium regis proficiscerentur magna militum copia stipati ad *Mersenburg*, casu incidunt in copias *Otonis* fratris *Willelmi* *Marchionis* ad *Nientborp* secus *Salicam* flumen. Cum itaque longo iam tempore inter eos truculenta discordia exorta esset, magnis clamoribus hostem vocant, et tela intorquent in inimicos. Pari igitur audacia hi equis calcaria subdunt, et odiis paribus in muria vulnera ruunt, mediosque in hostes irrumpunt. Dum igitur prælia tentant et pugnas ineunt, omnibusque idem animus erat sorti pugna decernere, *Bruno* et *Otto* ferro concurrunt, atque inuicem in sese tam violentos dabant impetus, vt primo in concursu vterque alterum per viscera transfoderet, atque anima spiramina lethali abrumperet ferro. His autem duobus e vita exeuntibus, iterum atque iterum innotat fragor ingens, enses clypei que sonant, et aspera pugna surgit, exitus vero eius aliquando dubius manebat, vsque dum *Ekkbertus* hostes pedentim ex dolore perditos ducit languidius pugnantes in fugam conuertit. Ita autem *Germania* nostra magno timore soluta erat, rebellionis antesignano trucidato. *Otto* enim, fratris sui *Willelmi* obitu comperto, e *Bohemia*, vbi a teneris vnguiculis exul latuerat, regressus erat in *Saxoniam*, auda spe obtinenda hereditatis fraternelæ, cumque ab omnibus maximo susciperetur gaudio, multi eum hortando excitauerant, non solum *Marchiam*, qua ad eum hereditario iure spectaret, sed etiam totum imperium occupare. Acer scilicet erat in armis, belloque serox ad vimque paratus, et hoc duce se omnia posse sperare putabant cuncti, res nouas studentes, quibus itaque aliquid obtinendi spem omnem præcidit aduocatus noster *Bruno* morte sua et morte *Otonis*, vti l. c. *Corbeienfes* nostri loquuntur, addentes, se more solito ei cantauisse requiem. Vt autem denique nihil omitamus, quod facere possit ad verum situm villæ no-

stræ